

# Arubaanse Courant

## WELGA NA ALM A TERMINA

WILLEMSTAD, -- E welga di pilotonan contra Antilliaanse Luchtvaart Maatschappij a yega na su fin diarazon atardi ora cu e pilotonan a dicidi di reanuda cu nan trabao incondicionalmente y a anuncia nan decision den un comunicado conhunto qu a ser publica diarazon atardi cinc'or door di e jefe di servicio Informativo di Gobierno Central, señor Braam.

E anuncio tabata consisti di tres declaracion separa, primeramente un di e organizacion di pilotonan di KLM, un comunicado conhunto di directiva di ALM y e pilotonan di ALM y finalmente un anuncio di e compania qu, cuminsando ayera 17 di november, e coneccionnan interinsular entre Aruba, Bonaire y Corsow a bolbe ser reanuda.

### MIHOR SOLUCION

E comunicado di e organizacion di pilotonan di KLM ta bisa qu nan ta di opinion "qu e mihor solucion" di e conflicto actual aki ta pa cuminsa e deliberacionnan correspondiente lo mas pronto posible.

Ademas nan ta di opinion qu e deliberacionnan aki por resulta exitoso solamente si ningun di e dos partinan envolvi eherce presion riba otro.

Ta pesel nan -- e organizacion di pilotonan di KLM -- a conseja e pilotonan di ALM pa demonstra nan goodwill door di reanuda nan trabao inmediatamente sin ningun condicionnan.

E pilotonan a bai di acuerdo cu esaki y finalmente e organizacion di pilotonan di KLM a expresa e speransa y confianza di qu e deliberacion lo ser reanuda lo mas pronto posible.

### DECLARACION DI DIRECTIVA Y PILOTONAN

E comunicado qu a ser publica door di directiva di ALM y e pilotonan ta bisa qu "e pilotonan di ALM, pa intermedio di e miembronan di directiva di V.K.V., a anuncia na directiva di e compania qu nan tin intencion di cuminsa traha incondicionalmente".

Directiva di ALM di su parti a declara qu nan ta dispuesto pa continua cu e deliberacionnan inmediatamente despues qu e trabao ser reanuda.

Na number di directiva di e compania a firma e comunicado señores K.Y. Rüpplin von Keffikon y C.O. Yrausquin y na number di e pilotonan a firma G.E. Casimiri y D. Klopner.

Aparte di e dos informacionnan aki, directiva di Antilliaanse Luchtvaart Maatschappij a anuncia qu for di ayera e servicio interinsular entre Aruba, Bonaire y Corsow a ser reanuda y ya for di ayera tabatin dos vuelo, unu cinc'or pa Aruba y e otro siet'or pa Bonaire.

En relacion cu e circunstancianan bao di cual ALM tin qu opera den e proximo dianan, nan a stipula un schema tentativo qu lo ser ehecuta.

E schema aki ta encerra qu mañan en adelante ALM lo buhur dia dos vuelo mainta pa Aruba y dos vuelo atardi, cu excepcion di dialuna y diadomingo.

Pa Bonaire lo tin un vuelo pa dia, qu ta un reduccion di tres vuelo ya qu promer qu e welga tabatin dies vuelo pa siman pa Bonaire.

E vuelo pa Caracas a ser completamente elimina pero esaki

no ta solamente riba e ruta aki pasobra directiva di e compania a economisa riba mayoria di e vuelonan pa e stranheria manera Maracaibo, Santo Domingo, etc.

Por lo demas ALM lo sigui bai dos biaha pa siman Santo Domingo y un biaha pa siman Port-Au-Prince, Pa Sint Maarten, Maracaibo y Barranquilla lo tin dos vuelo pa siman.

### TUR COS TA TRANQUILO

Di acuerdo cu nos informacionnan tur cos ta tranquilo y normal na aeropuerto ya qu tur vuelo, asina leeuw qu nan a ser reanuda, ta tumando lugar normalmente.

Di awor en adelante tur informacion tocante desarrollo y progreso di e deliberacionnan entre directiva di ALM y e pilotonan lo ser anuncia conhuntamente.

## FRACCION DI PPA UN BIAHA MAS A HUNGA EXCELENTE PAPEL DEN REUNION DI EILANDSRAAD

### Gracias na proposicion y mocion di chance y Finck e klas extra di colegio Arubano a ser mantene y defende

ORANJESTAD - Manera por a ser spera, e reunion di Eilandsraad di Aruba teni diarazon anochi ultimo, a resulta un di esnan mas interesante di anja. Eilandsraad, pa medio di un mocion entrega pa e lider di e fraccion di PPA, sr. Ernst Finck y srs. Leo Chance y Urbano Maduro, tambe di PPA, a haci masha bon uso di e oportunidad brinda na Eilandsraad riba proposicion di ministro-presidente dr. Efraim Jonckheer pa slica cu e tendencia of e intencion di e decision cu Eilandsraad a tuma dia 26 di september p.p. tabata uno di caracter legislativo, door di cual e mocion di gezaghebber na gobernador pa anulacion di e decision cu raad a tuma pa mantene e di cuatro klas na colegio Arubano no por a tuma lugar mas.

Especialmente e actuacion di e fraccion di PPA durante e reunion di diarazon anochi a sobresalir. Mescos cu tabata e caso den e reunion di dia 26 di september of ora cu sr. Leo Chance a ripara cu e proposicion di e tres miembronan Werleman-Figaroa y Max Croes no tabata contene muchu pa a logra cu e di cuatro klas a keda mantene y e mes a dicidi na haci e proposicion aki mas fuerte, asina tambe a socode diarazon anochi ora cu e fraccion a presenta cu un mocion den cual e decision cu raad a tuma dia 26 di september ta ser defende. Cu gran mayoria di voto e mocion di e fraccion di PPA a ser acepta pa Eilandsraad.

Na diferente ocasion e miembronan a expresa diarazon anochi, cu henter e conflicto encuan-to e di cuatro eerste klas di Colegio Arubano no tabata ne-

cesario, si gezaghebber, kende ademas di ta presidente di Bestuurscollege ta presidente di Eilandsraad tambe, sea durante e reunion di 26 di september, of despues, no a dirigi su mes na gobernador, pero na Eilandsraad articulo 103 di Eilandenregeling ta duna oportunidad pa haci esaki y a informa raad di su punto di bisti juridico of di e decision cu el a tuma. E ora ey Eilandsraad lo a duna e mesun aplicacion, cual por ser hanja den e mocion di diarazon anochi, y e ora ey gezaghebber lo no a pidi gobernador pa tuma e anulacion na consideracion. E mocion aki, e lectornan por hanja na un otro parti den e edicion di awe.

Pesey tabata un poco incomprendibel pa nos con durante e debate cu e lider di e fraccion di PPA, gezaghebber continuamente a keda para riba su declaracion cu e no a pidi pa anula e decision aki. Sr. Finck e ora ey a splica cu e pidimento di anulacion ta para no solamente den e carta die ministro presidente (cual carta nos a publica den nos edicion di diarazon 16 november-red.), pero tambe den e carta di gezaghebber pa gobernador. Cu un toque di berdadero manobra parlamentario, sr. Finck a logra cu gezaghebber mes e ora ey a leza e ultimo parti di e carta, den cual claramente e mocion pa anulacion ta ser poni.

Mas strano ainda nos a keda, cu tanto gezaghebber, kende aunke e no ta jurista, tog mester a percura pa tin expertonan na su disposicion, como tambe sr. Albert Eman, kende si ta abogado, a keda mantene nan proposicion pa incorpora den e mocion, cu Eilandsraad ta hala e decision di 26 di september aden. Esta e decision pa mantene e di cua-

tro klas. Especialmente sr. Eman, como lider di fraccion y representante di pueblo mester por a comprende cu anulacion di e decision di raad por a nifica cu tanto e alumnonan como nan mayornan lo a worde perhudica. Tanto srs. Henriquez como Eman aparentemente no a comprende, con importante e terminonnan "Tendencia", "nificacion", e "intencion" por ser den ciencia di ley. Eilandsraad a dicidi, el a reconoce cu el a dicidi, el a splica liko e kler meen cu e decision aki, di manera cu tur cos ta cla y cu subsecuentemente e no tin nada di hala aden, pasobra una vez cu e miembronan a expresa diferente biaha diarazon anochi cu nan intencion tabata bon y cu na ningun momento nan kler a mete den asuntunan di Bestuurscollege, no tabatin nada cu tabata malo.

Ministro presidente dr. Jonckheer den su carta a ofrece na Eilandsraad e oportunidad pa splica su decision tuma dia 26 di september, y e oportunidad aki raad a probecha cu man habri y a haci un uso efectivo di dje.

Pa elimina perdimento di tempo y malentendimientonan innecesario cual varios biaha sa resulta den atakenen personal, ta recomendable pa den futuro mas comprension y contacto sincero lo existi entre e presidente y eilandsraad, maske cu tin momentonan cu e dos cuerponan aki no ta di acuerdo cu otro.

DI CUARTO KLAS A QUEDA  
Lo mas importante di e conflicto aki, sin embargo, a ser alcanza diarazon anochi. Esta cu e di cuarto klas di Colegio Arubano lo worde mantene te na fin di e anja escolar en curso. Despues di a tuma contacto cu e inspector di enseñanza y e di-

Continuacion riba pagina 2

Try something different for a change...

Turn to Salem for a  
taste that's *Springtime fresh*



RICH TOBACCO TASTE • MENTHOL SOFT FLAVOR

TRY Salem, AMERICA'S LARGEST-SELLING MENTHOL CIGARETTE

Continuacion di pagina 1 rector interino di Colegio Arubano, a keda conoci cu e porcentahe di e muchanan cu lo hanja un bon rapport pa pascu ta asina halto, cu un di cuatro eerste klas ta justifica. Di e manera aki, e mayornan y e alumnonan awor por lubida riba e duda cu tabata existi di cu lo tin alumnonan cu no por keda na e Colegio despues di e rapport di Pascu.

Gracias na e bon politica di principalmente e fraccion di PPA, cu a demostra cu e no sa hunga ora cu ta trata di interes general di pueblo, e mayornan y tu otro concerni por pasadanan di Pascu contento cu esaher cu nan yiu lo keda na e Colegio.

**NIFICACION di e desicion**

ORANJESTAD - E mocion di srs. Finck, Chance y Maduro di e fraccion di PPA, den cual e nificacion di e desicion di raad di 26 di september ta angra y cual a ser entrega y acepta pa Eilandsraad diarazon anochi durante e reunion publico, tin e siguiente contenido:

1. cu e nificacion y contenido di e desicion menciona siguramente no tin e intencion pa mete den asuntonan di Bestuurscollege;
2. cu e nificacion di e desicion cu raad a tuma dia 26 di september, en corto, ta nifica: Pa duna Bestuurscollege, como como cuerpo ehecutivo, di conoce claramente, cu ta e deseo di Eilandsraad, como cuerpo legislativo y tambe tumando na cuenta su podernan

a. cu e di cuatro eerste klas di e HBS di Colegio Arubano ta worde mantene;

b. cu Bestuurscollege, como cuerpo ehecutivo, tin di tene cuenta cu e deseo formal di e representantenan di pueblo y cu e tin di tuma tur e medidanan, cualnan ta necesario pa mantene e klas menciona.

4. cu gezaghebber, tumando como base su propio interpretacion di e desicion di Eilandsraad, a hanja e desicion aki en contra di ley y cu legalmente e tin di worde anula y cu el a pidi gobernador di Antillas Hulandes pa tuma en consideracion e confirmacion di e apulacion aki;

5. cu den su carta fecha 7 october na S.E. gobernador, gezaghebber a haci menciona di e desicion aki di e siguiente manera: un decision pa "duna permiso na e stichting middelbaar onderwijs Aruba pa e anja escolar 1966/1967 extende e cantidad di e eerste klasnan di 3 pa 4", cual dunamento di permiso no solamente no ta pertenece na e competencia di raad cual raad ta realiza plenamente pero ademas ya a ser duna pa e cuerpo cu tin di haci esaki, esta bestuurscollege mes, aunque cu e permiso aki tabata pa algun luna;

"Eilandsraad di Aruba, den reunion di awe 16 di november, considerando

1. cu den su reunion publico di 26 di september p.p. a ser acepta un proposicion, conteniendo: "Un decision pa mantene e di cuatro eerste klas di e HBS di Colegio Arubano, na Aruba";

Bo a corda riba bo zapatonan caba?? NO !! Wel, no tarda mucho, trece y TUMA nan na tempo, pa bo no keda DESAPUNTA. I asina tambe bo ta participa den nos campaña di PREMIOS.

**ZAPATERIA**

Un servicio duradero y garantizá! Ch. B. BAARN jr. - Zandstraat 3 Oranjestad, tel. 3290 Pazuid di Hospitaal San Pedro. Nos tin tur articulo spa zapato

**OPENBAAR MAKING DOOR DE KAMER VAN KOOPHANDEL EN NIJVERHEID OP ARUBA**

der namen, voortkomende op de door de verkiezingscommissie vastgestelde kandidatenlijst, welke voor iedereen die in het handelsregister is ingeschreven ter secretarie der kamer ter

- Arends, Arturo Marcelo voor het grootbedrijf
- Berlinski, Samuel Leo voor het grootbedrijf
- Hese, Theodorus Bartholomeus voor het grootbedrijf
- Marugg, Isaac Oscar voor het grootbedrijf
- Scholl, Franciscus Leonardus voor het grootbedrijf
- Scott, Alexander G.M.G.A. voor het grootbedrijf
- Timmer, Hendrik voor het grootbedrijf
- Trappenberg, Jose Saturno voor het grootbedrijf
- Whitfield, Clinton Hathaway voor het grootbedrijf
- De Mildt, Cornelis voor het kleinbedrijf.

Extract uit het proces-verbaal van de zitting van de verkiezingscommissie ingevolge de bepaling van artikel 31 van het kiesreglement voor de Kamer van Koophandel en Nijverheid (P.B. 1944 No. 202).

Aangezien op de door de verkiezingscommissie vastgestelde kandidatenlijst de geplaatste kandidaten voor het grootbedrijf negen bedraagt en het aantal te vervullen plaatsen voor het grootbedrijf vijftien is, beslist de verkiezingscommissie dat voor de 31 ste december 1966 een stemming voor het grootbedrijf zal plaats hebben.

Aangezien op de door de verkiezingscommissie vastgestelde kandidatenlijst de geplaatste kandidaten voor het kleinbedrijf een bedraagt en het aantal te vervullen plaatsen voor het kleinbedrijf een is, verklaart de verkiezingscommissie de op de lijst voorkomende kandidaat voor het kleinbedrijf de heer Cornelis De Mildt gekozen.

Stemming op de kandidaten voor het grootbedrijf ter vervulling van vijftien vacatures zal plaats hebben op 14 december 1966 in het lokaal van de kamer aan de Wilhelminastraat No. 22 te Oranjestad, van des voormiddags 9 uur tot des middags 12 uur.

Aruba, 16 november 1966

De voorzitter der Kamer C.H. Whitfield,

**F. 500.-- F. 500.-- F. 500.--**

**Un Mil Cinco Cien Florin di REGALO na PLACA EFECTIVO**

Den temporada di 1 di NOVEMBER 1966 te 30 di DECEMBER 1966 cu cada compra di un di e siguiente productonan Bo ta hanja un formulario cu ta dunabo e oportunidad di gana

**Fis. 1.500,00 na PLACA EFECTIVO**

**GANADOR(A) NAN LO WORDE ANUNCIAN DEN PRESENCIA DI NOTARIO NA TELE-ARUBA DIA 30 DI DECEMBER 1966.**

Ademas di placa efectivo.....Bo ta hanja tambe un REGALO APART ariba e siguiente productonan:

	<b>REFRIGERATOR</b>	1 Set di Servies di 43 pida
	<b>WASHING MACHINE</b>	cabai di strika
	<b>STOOF TAPPAN-TELEVISION</b>	1 Set di Weja di Aliminium
	<b>RADIO GRUNDIG</b>	1 Macutu di Bibida
	<b>AIRCONDITIONER</b>	1 Macutu di Bibida

Tur loke Bo mester haci ta jena Bo formulario, y depositetele den un baril cellá pa un notario, na

**WIMCO**

**ORANJESTAD SAN NICOLAS**

Pa Miho Calidad ... Miho Prijs... y Miho Servicio...

**CUMpra NA WIMCO**

**RETIRO HONROSO PA MR. VELEMA**

WILLEMSTAD -- Di acuerdo cu un decreto gubernamental di dia 7 di november, señor Mr. J.W. Velema, quende tabata presidente di Medisch Tuchtcollege, a haña su retiro honroso riba su propio peticion. Cu fecha retroactivo di 27 di mei 1965 a ser nombra como miembro di e colegio aki dr. Carlos Winkel pa un periodo di seis aña mientras dr. Eibergen tambe a ser nombra pa un periodo di seis aña como miembro di e colegio aki.

**NOMBRAMIENTU DI DR. SCHILTKAMP COMO NOTARIO?**

WILLEMSTAD -- Di fuentenan generalmente bon na altura y digno di credito nos a ser informa qu pronto por ser spera e nombramentu di Dr. Schiltkamp como notario di Corsow.

Actualmente Dr. Schiltkamp ta na Isiariba en relacion cu trabaoonan qu a ser encarga na oficina di notaris Henriquez, caminda e ta trahando actualmente. Ley ta permiti pa nombra cuater notario na Corsow, pero ta tres so tin nombra qu ta Mr. Smeets, Dr. E.C. Henriquez y Mr. Boesveld.

Si e nombramentu di Dr. Schiltkamp materialisa, anto e limite qu ta ser permiti pa ley lo ser alcanza.

**14 Bleki verf a disparce**

Diarazon mainta trahadornan a ripara cu desconocidonan a bai cu 14 bleki di verf for di un casita di warda material di trabao. E malhechornan a forza un porta di e casita cu ta situa riba L.G. Smith Boulevard, pa comete nan delito. E blekinan di verf ta di un gallon. Recherche ta investigando e caso.

Diarazon polis a parti sieteproses-verbaal y a duna dos asistenta.

**celebra fiesta di pascu 'Essolito' ta bolbe**

SAN NICOLAS - For di sr. G. Schouten jr., e motor tras di e club Juvenil "Essolito" nos a tende cu e anja aki atrobe "Essolito" lo celebra e fiesta di pascu na un manera grandioso. Un total di 500 hoben lo participa den e fiesta di pascu aki.

Tres negoshi, S.r.ritzer & Fuhrmann, Neme's y Elmar, ya a haci nan donacion pa e celebracion di e fiesta di pascu di Essolito. Sr. Scheuten a declara cu e ta spera cu e otro donadornan cu a respalda e trabou di essolito den e ultimo diez anjanan, por pronto lo haci nan donacion tambe. "Nos no ta tene Bingo-drive, etc. pa hanja placa, pero nos ta spera e buena

boluntad di esnan cu por yuda" asina e lider di Essolito a declara. Segun el a sigi declara e dos damanan Brandenburg y Wijnholt, esposanan di e doctornan na Aruba, lo celebra e fiesta huntu cu e muchanan di Essolito. Pa Essolito ta un lastima, cu e anja aki sra. Van Koot, kende tabata huntu cu Essolito durante e ultimo anjanan, no por ta presente e anja aki.

E fiesta di pascu di Essolito io worde teni masha tempran e anja aki, esta entre 15 y 20 di december. Probablemente segun sr. Schouten - gobernador Debroi tambe lo ta presente durante e celebracion.

**Negligencia pa duna a preferencia a bolbe causa choke**

Pa och'or y diez di mainta tabatin un choke na e cruzada bandi Club Estrella entre un truck y un auto di famia. E causa di e choke ta cu e dama cu tabata maneja e auto di famia no a duna preferencia na e truck di manera cu a surgi e choke cu a laga un danjo di Fls. 750.- atras.

Pa diez pa seis di atardi tabatin un choke na altura di La Esperanza na Pos Chiquito entre dos auto di famia. E motibon ta cu un di e chauffeurnan bai na su man robes na momento cu e otro tabata bai pase. Danjo material na e vehiculonan tabata Fls. 300.--

**Hersengymnastiek**

ORANJESTAD -- Diarazon anochi tabatin e ultimo partido di e segundo rond di hersengymnastiek escolar. A enfrente otro Sint Augustinus College y Sint Maria College. Den e prome parti di e preguntanan individual Maria College tabata dilanti cu 7-0, pero den e segundo rond di preguntanan individual Augustinus College a bai dilanti cu 20-18 punto. E persona misterioso pa e anochi tabata su excelencia ministro F.L. Tromp. Augustinus College a hanja un punto pa e parti aki y Maria College dos punto. E score final tabata 21-20 na favor di Sint Augustinus College.

Go. No obstante e derrota aki, Maria College tog lo competi den semifinal di diarazon awor ya nan a acumula 43 punto den dos partido.

Den e semi-final lo tuma parte cuatro school. Diarazon awor pa nuebe or di anochi lo enfrente otro den stadion di Radio Keboom Sint Maria College y La Salle College, tur dos di Oranjestad.

Maria College tin 40 punto mientras cu La Salle College tin 45 punto. E school tin e puntacion mas halto te awor ta Pieter Boer School cu 48 punto den dos partido.

# BONUS BUYS VERFY.

ARTICULONAN PA VERF  
**PA TUR COMPRAS RIBA 20 FLORIN**



**PAINT SPRAYER**

SET DI MARTIN, SCHROEFDRAAIER ETC.  
UTENSILLOS PA CUSHINA  
THERMO GRANDI  
SET DI ROLLER PA VERF

Set di Cuchara di Salada Diferente Tamano

PERCOLATOR  
CANICA PA AWA  
SET DI SCHROEFDRAAI  
CUCHARA DI STOPVERF

## REGALO



**ARUBA HARDWARE C.V.**  
SAN NICOLAS TEL. 5666  
HOME FIX-UP HEADQUARTERS  
ORANJESTAD TEL. 1057-2247

## CONCURSO

E asociacion pa combati abuso di alcohol gustosamente ta invita un y tur pa participa den un concurso, su premionan di F. 50.-- F. 25.-- y F. 10.-- pa e tres mihó maximanan, (slogan) cu por sirbi pa pone na claridad e peliger cu abuso di alcohol tin pa nos comunidad.

Por entrega e maximanan te dia ultimo di november na e siguiente direccion:

**P.O. BOX 540, ORANJESTAD.**

## ABONA AWQR I SEMPER RIBA ARUBAANSE COURANT



compana pa agentenan secreto na civil, Dr. Gerhard Bohne a yega cu avion for di Buenos Aires caminda nan a detenele acusa di tabata director di e oficina Nazi pa mata e hendenan mentalmente debil durante segunda guerra mundial. E tabata biba for di 1963 na Argentina caminda el a bai promer qu su huicio a cuminsa. --UPI --radiofoto, --

## FISHER A CUMINSA DEMANDA DIVORCIO CONTRA LIZ

LOS ANGELES -- UPI -- E cantante Eddie Fisher a cuminsa un demanda di divorcio contra Elizabeth Taylor a fin di aclara e situacion crea pa un sentencia cu e actrice a obtene na Mexico na aña 1964.

## Un dokter cu su familia (3 jiu) na Puerto Rico TA BUSCA

dos mucha muher cu bon manera. Un pa haer trabou di cas y cushina y e otro pa culda e muchanan. Ta wordo ofreci un bon sueldo y bon trato. Mandi carta pa dr. Vicente Arroyo, Taft 107, Apt. 1



## "TALK OF THE TOWN" I. COHEN/MANAGER

Siman pasa mi noticia tabata mucho laat door cu e pilotnan a welga. Mi ta spera cu di tur dos banda nan lo trata na jega na un solucion. Nos ta haya cancelacion tras cancelacion y cu e temporada di turismo na bista, cos no ta muera asina bon. Mi ta spera cu e caballero nan concerni lo laga nan sentimentonan personal pafor di e interes general. Nos felicitacion ta bay pa Sr. A.J. (Ton) Theeboom, cu su juramento como abogado. Porfin nos ta spera cu su estudionan lo jega na nan derecho. Ta unhecho cu e sa mas di ley cu di e pork chopnan cu e tabata bende pa Kusters Trading. Bo no mester perde e anochi nan di diabierna. E dixieband ta fantastico y e anochi ey ta esun di mas agradabel cu bo a jega di pasa. Pa e musiconan lo tin drinks gratis.

Diasabra anochi 8<sup>or</sup> lo tin moshow hau direccion di Rolina Simons. E mes ta vale la pena pa worde mira. Bunita bistir, badpak y bikini. Sensacion musical lo toca for di 10-3<sup>or</sup> di marduga. Entrada Fl. 4 -- caballeros y F. 2.-- pa DAMAS. Den "Talk of the Town", Aruba sextet y pa 12<sup>or</sup> un Orange dans contest cu bunita premionan. Consumo minimo ta \$ 2 pa persona. Diadomingo bar-B-Q pa henter familia, \$ 1,35 pa persona. No lubida cu tur dia y tur anochi tin platonan di galinja pa henter familia, \$2 dollar pa persona. Bo por come mas tanto blaha cu bo ta desea.

**NOBO NOBO NOBO**  
Nassaustraat 34  
Nos a caba di habri pa e dianan di fiesta venidero bunita tela di plata y oro. Algo nobo. Tela aplique den bunita color. Kaanchi nobo, tambe Chiffon. Tela nobo pa cortina, tambe pa cushina. Serca nos semper prijs ta mas barata.

Den e demanda presenta dilanti corte superior, Fisher a acusa su ex-esposa di abandono. E actrice a hanja divorcio na Puerto Vallarta (Mexico) na februari 1964 y poco despues el a contrae matrimonio cu e actor Richard Burton.

Howard Schwab, abogado di Fisher, a manifesta cu Elizabeth Taylor a abandona Fisher "voluntariamente y sin causa hustifica" dia 21 di maart 1964, despues di a biba hunto cune durante dos anja, dies luna y nuebe dia. "Eddie ta considera cu e situacion confuso crea pa e divorcio mexicano por plantea e posibilidad di cu e no ta ser reconoce legalmente na California y otro estadonan", asina un portavoz di Fisher a manifesta.

Actualmentee cantante ta actua den e hotel Riviera di Las Vegas y e actrice ta na Roma, trahando riba un pelicula hunto cu Burton.

"Mi mester aclara e controversia legal aki, pa awor y pa semper, di manera cu mi por prepara mi planan pa futuro, asina Fisher a declara segun Schwab. Durante su matrimonio, Fisher a adopta e yiu cu Elisabeth Taylor tabatin den su matrimonio cu e fallecido productor Mike Todd.

Liza Todd tin nuebe anja di edad. Ultimamente Fisher tabata vincula romanticamente cu e actrice Connie Stevens, quende a divorcia di Jim Stacy dia dos di november.

## TEATRO DE VEER aire-acondicionado ta presenta

**Awe nochi 18 nov. THUNDER BALL**  
cu JAMES BOND



Fl. 2.00 -- All Ages

**Buenos Aires -- UPI --** E campeon mundial di peso mosca, Horacio Acavallo, a anula e pelea cu e tabatin señala pa majan anochi na e ciudad de Cordoba contra Carlos Miranda, pa intensifica su training pa e pelea cu e tin señala pa e titulo mundial dia seis di december contra e mexicano Eren "Alacran" Torres na e capital aki.

E director tecnico di e boxdo argentino Juan Aldrovandi a declara cu Acavallo ta pisa 52,5 kilo actualmentey e mester drenta e limite di e categoria cu ta 50,802 kilo.

Acavallo ta train na e school mecanica di armada di e capital aki y ta cumplil un sesion diario di preparacionnan den e gimnasio di e estadio cubri di Luna Park, caminda e pelea lo ser efectua.

## SOFIA --

E di nuebe congreso di Partido Comunista Bulgaro a convirti su mes den un campo di batalla. E sovieticonan, quendenan ta hasiendo tur esfuerzo pa obtene un cantidad di votonan favorabel, a scucha e "no" di cantidad di delegadonan, of tambe un "tal bes" of un abstencion completo.

E lider di Partido Bulgaro, Todor Zhivkov, quende tabata conta sigur cu e apoyo sovietico a inaugura e conferencia cumbre pa "resolver" e problema china. Manera nan a spera e comunistanan di Francia, Alemanan Oriental a informa e congreso qu nan ta respalda e idea di e reunion aki. Italia a manifesta di ta apoya unicamente cu e "condicion" di qu cada partido "lo ser studa" debidamente, un procedimiento cu lo por aplaza e conferencia pa un tempu no-limita. E representantenan di Corea del Norte -- tal bes aliadonan di Pekin -- y di Cuba, qu ta apoya Moscu sigur sigur, a abstene nan mes di critica China of menciona e conferencia.



## Rey De Copas

**Fls. 200.--**

na su participantesnan di concurso cual ta hunga dia 19 di November 1966.

Cuanto placa tin den e vitrina di Aruba Distilling Co., na Wilhelminastraat No. 51?

## REGLANAN PA PARTICIPA.

- 1) Pa cada botter bashi di Rey de Copas di mei Galon bo ta recibí 4 tickets, pa cada botter di 12/1bo ta recibí dos tickets, pa cada botter di 24/2bo ta recibí un ticket y pa cada dos botter di 48/4bo ta recibí un ticket.
- 2) Entrega e formulario aki jená na oficina di Aruba Distilling Co., Wilhelminastraat No. 51.
- 3) E mes persona por jena cuanto formulario cu e ta desea, contal cu e entrega pa cada formulario e cantidad di botter bashi requerido
- 4) Si tin mas cu un beneficiado e premio ta ser parti den esnan cu tin e pregunta correcto.

**JALAPA (Mexico) -- UPI --** Reverendo Miguel Figueroa Valle, pader catolico durante e ultimo 18 anjanan aki, a contrae matrimonio cu Maria Ferreira cu autorizacion di Papa Paulo VI, segun autoridadnan eclesiastica a informa.

E dispensa Papel tabata especifica qu e matrimonio niester ser realiza na por lo menos 500 kilometer for di Veracruz, cas di e pader, segun e fuentesnanan agogi

E casamentu a tuma lugar recientemente na Tlalampantla, noord di e capital mexicano. Autoridadnan eclesiastica a informa qu Figueroa a cumpli perfecto y fielmente su debernan di pader pero a pidi pa casa na april ultimo.

E autorizacion a ser duna n'e

na september pa intermedio di e delegado apostolico na Mexico, monseñor Luigi Raimondi.

Segun nan a bisa e mucha muher ta di origen cubano. Nan ta ignora si Figueroa ta sigi eherce su mision sacerdotal.

# PAGINA DEPORTIVA

PRESENTA

PA:



## Miranda y Calhoun lo topa otro den revancha dia 30 di november

WILLEMSTAD, -- Nos a ser informa di parti di e hoben promotor Hildo Keyzer cu dia 30 di luna aki e dos hombernan grandi di ring, Pedro Miranda di Cuba-Colombia y Milo Calhoun di Jamaica lo enfrenta otro den un pelea di revancha. Nos no tin mester di hasi hopi comentario riba e pelea aki, ya cu tur e fanaticonan cu a presencia e espectáculo ofrece pa nos dos biaha pasa, a keda convencí cu aki ta trata di boxdo di calidad.

Nos a ser informa tambe cu Milo Calhoun a subi di octavo pa e quinto puesto riba ranking di Asociación Mundial di Boxeo (AMB-WBA). Esaki ta debí na e victoria cu el a registra riba George Benton, un poco dia prome cu el a bini Corsow. Mescos, cu awe, nos ta recorda e grandioso pelea cu e dos pugilnan aki a duna pueblo di Antillas recientemente.

Ultimamente promotor Keyzer, a tene un enquete den cual el a propone pueblo di Corsow pa firma pa e pelea cu nan ta gusta mas; Miranda-Duivenbode; Calhoun-Duivenbode of Miranda-Calhoun.

E promotor a declara cu el a

hanja masha hopi formulario y mayoría di e personanan cu a manda uno tabata desea di mira un pelea entre Duivenbode y Calhoun.

A resulta cu e hoben promotor Keyzer no por pone e pelea aki, como cu Duivenbode a tarda pa manda bisa un of otro cos y a tuma contractnan pa bringa un of mas pelea na Europa. Sin embargo e peticionnan pa mira un pelea entre Miranda y Calhoun tambe tabata considerable y esei a pone cu e promotor cu ta futuro di Antillas pa boxeo, a dicidi di prepara un pelea di revancha entre e jamaicano y e cubano-colombiano.

Cu Calhoun a subi na e equi-

to puesto entre e dies mihor boxdonan di mundo ta nifica cu awor Miranda ta bai hanja un Calhoun di mas clase cu e mesun Calhoun cu el a enfrenta poco dia pasa.

Si Miranda gana e pelea aki, ta nifica cu su carrera pugilístico ta bai habri riba terreno internacional y si e hasi un paso riba terreno europeo of americano ta sigur cu Miranda lo yega na bira un di e mihor dies boxdonan di mundo.

Un victoria pa Miranda riba Calhoun tambe por causa cu Miranda lo ser pone entre e dies mihor nan di mundo.

Di parti di Duivenbode a bini noticia cu e ta desea di bini Corsow pa un of mas pelea den januari of februari, pero awor aki e ta ocupa cu su contractnan na Europa.

Den e mesun programma di dia 30 nos ta hanja un pelea hopi interesante di ocho round cual ta bai entre e fuerte hoben di Boca Sint Michiel Frank Martina y e boxdo di experiencia Getulio Bruges di Colombia. Nos a puntra e promotor cu si Martina su peso no ta hopi diferente for di Bruges y el a contesta: Martina a keda pa baha su peso, mientras cu Bruges ta aumentando supeso y cu pa dia 30 nan lo tin e peso pa enfrenta otro.

Tambe lo bini mas peleanan den e programma entre cual tres pelea amateur di tres round. Den un di e peleanan aki lo por presenta Fighting Mack Jr., quende nos a mira actua den e demostracion qu promotor Keyzer a organisa na Barber.

Fighting Mack tin e mesun estilo cu su ruman Mack y ta priminti hopi pa futuro.

E ta posee pegada y bon estilo.

Ta recomendable pa amantenan di boxeo y tambe no amantenan di boxeo pa nan reserva dia



PEDRO MIRANDA

30 pa bai mira e dos gladiador-nan Miranda y Calhoun especialmente, contra otro.

Di nos parti nos ta sigur cu stadion lo yena pa e anochi aki, y nos ta spera tambe cu awacero lo no cai y stroba e programma.

### NARVAEZ A VENCE MORALES

NEW YORK -- E boxdo portorriqueño Frankie Narvaez, sexto aspirante pa e título mundial di peso ligero, a derrota Felix Morales di New York den un pelea di dies round cu a ser efectua den Sunny Side di Garden di e ciudad aki.

Narvaez, cu a keda tres luna sin actua a muestra di tabata un poco lento den principio contra Morales, cu a bringa cu un rapidez enorme.

Pero pronto ela cuminsa dominar e accionnan, pegando derechazonan na cabes di su adversario y hasta a yega dos biaha asina leu cu e tabata punto di tumba su adversario. Asina mes el a habri un herida riba wowo robes di Morales.

Narvaez a pisa 63,5 kilo y Morales 63,25

Otro peleanan di e programma: Manny Pagan di Puerto Rico cu 60,5 kilo a derrota Vic Buford pa punto den un pelea di cuater round.

Nelson Cuevas di Puerto Rico a knockout Lonnie Cabassa di Estados Unidos, Danny Perez di Puerto Rico a gana Carl Williams di Estados Unidos den seis round.

## PLAY-OFF CLASE B

WILLEMSTAD -- Durante fin di siman tabatin weganan di play-off pa equiponan di clase A, cu mester dicidi cual di nan ta pasa pa e division maximo di nos baseball e temporada nobo cu ta bai habri.

Chicago y Groot Kwartier Stars tabata e unico dos equiponan cu logra sweep nan serie, mientras cu e otro clubnan a split e doubleheader cu nan tabatin señalá.

Resultado di e weganan tabata como siguiente:

Cienfuegos a split cu Santa Rosa Cubans, perdiendo e prome wega cu score di 8-3 y ganando e segundo cu score di cuater-uno.

Seiberling y Antillanos tambe a split nan doubleheader. Seiberling a gana e prome cu score di 10-9, mientras cu Antillanos tabata mas fuerte den e segundo we-

ga, superando Seiberling cu anotacion di 15-14.

Chicago tabatin un dia dushi ora cu nan a gana Noord Janthiel Giants den doble wega y bien cu score di 10-2 y seis-dos.

Groot Kwartier Stars tambe tabatin un bon dia y nan a derrota Cas Cora Lions den dos desafío, cu scorenan di 8-6 y 7-1.

Despues di e dos simannan di wega nos ta hanja e siguiente posicionnan:  
Chicago tres gana y un perdi, Groot Kwartier 2 - 1, Cienfuegos 2 - 1, Seiberling 2 - 2, Antillanos 2 - 2, Santa Rosa 1 - 1, Noord Janthiel 1 - 3, Cas Cora 0 - 2.



MILO CALHOUN

# HOROSCOPO

**ARIES** (mar. 21 a abril 19) Un día en que los entrenamientos pueden ser muy agradables y cuando sus asociados se ponen rápidamente de acuerdo con sus ideas. Converse con personas importantes para comenzar su ascenso.

**TAURO** (abril 20 a mayo 20) Si desea impresionar a otros favorablemente, prestele un poco de atención a sus alrededores. Busque un sistema mejor para terminar el trabajo pendiente. Use su sentido común.

**GEMINIS** (mayo 21 a jun. 20) Este puede ser un día muy satisfactorio siempre y cuando se comunique primero con personas importantes que lo puedan ayudar en sus ansias más precladas. Cerciórese de vestirse como es debido.

**CANCER** (jun. 21 a jul. 22) Acepte las ideas de su familia que le ayudaran a aumentar su abundancia y a utilizar sus fondos presentes más inteligentemente. Demuestre que es una persona práctica.

**LEO** (jul. 23 a ago. 22) No siga guardando en secreto esas ideas prácticas que ha estado ocultando por tanto tiempo y hable con las personas apropiadas para hacerlas productivas. Personas de fuste lo apoyaran enseguida.

**VIRGO** (ago. 23 a sept. 22) Cerciórese de poner su hogar y su oficina en el mejor orden posible si quiere obtener el apoyo de personas de fuste. Un día bueno para vender algún invento suyo. Use su buena intuición.

**LIBRA** (sept. 23 a oct. 22) Siga sus inclinaciones y vaya directamente hacia aquellos que lo puedan ayudar en el logro de sus anhelos más queridos. Use

un método positivo. Usted podrá obtener mucho de lo que vale la pena socialmente.

**ESCORPION** (oct. 23 a nov. 21) Vaya directamente a una persona poderosa. El le brindara el consejo y la información que usted requiere para avanzar más rápidamente. Proceda de tal manera que todos queden impresionados. Muestrese activo.

**SAGITARIO** (nov. 22 a dic. 21) Salga con personas que lo inspiren y le proporcionen la información necesaria para tener más éxito en su vida social. Añada más personas a la lista de sus amistades.

**CAPRICORNIO** (dic. 22 a ene 19) Esta muy bien conferenciar con personas de fuste, pero dispóngase a seguir las ideas y consejos que ellas le dan. Sus obligaciones necesitan ser manipuladas estutamente. Un experto puede ayudarle.

**ACUARIO** (ene 20 a feb. 18) Usted tiene que aplicar un método más moderno en cualquier cosa que quiera lograr en lo relacionado con sus asociados, clientes y amigos. No use equipos anticuados. Pongase a tono con los tiempos.

**PISCIS** (feb. 19 a mar. 20) Preocupese mas con los detalles de cualquier trabajo relacionado con sus aliados. Esto aumentara sus ingresos y estrechara mas sus relaciones. Demuestre que es una persona astuta.

SI SU HIJO NACE HOY.....

Sera uno de esos individuos fascinantes que atraen a todas las personas. De modo que enseñe como valerse por sí mismo y cumplir palabra con los demás.

## Hopi Haitiano lo bai corta canja na R.D.

**SANTO DOMINGO -- UPI --** Un senador di oposicion ne Gobierno di presidente Joaquin Balaguer a califica un acuerdo qu a ser firma entre e gobierno dominicano y Haiti pa trese trahadornan haitiano e pais aki pa corta canja como masha "antipatriotico".

Secundino Gil Morales, legislador y miembro de comite central di Partido Revolucionario, Dominicano, di oposicion, a afirma qu semanalmente ta yega cientos di haitiano-

nan Republica Dominicana y qu e cifra final lo por yega te hasta diemil. Di otro banda e subsecretario di relacionan exterior Francisco Arias, a declara qu e acuerdo lo ser somete awor pa aprobacion di Congreso Dominicano.

E convenio tabata objeto di criticanan fuerte den Congreso principalmente pa elementonan di oposicion. Nan a bisa qu e cuestion aki mester wordu trata prome y no laga e haitianoan drenta prome cu un acuerdo.

## PITU DI BRANDSPUIT LO POR CAUSACASHOT

**SANTIAGO -- UPI --** Un pito di brandspuit, qu nan a bisa ta ser usa como alarma den e ultimo guerra mundial a provoca un bruhamentu den e pueblo Parral y menaza cu hiba e hefe di e cuerpo di hombernan den e ciudad aki, quende yama Sergio Pincheira, prison.

Parral ta un pueblo chiki qu ta keda na 300 kilometro sur di Santiago. E pito ta zona ochor di mainta, pero e habitantenan tabata reclama epitamentu y e caso ta bai ser hiba dilanti di justicia.

E juez di Parral a condena Pincheira na 15 dia di prison pa motibu di a neglesha autoridadnan pero e persona aki a aplea e caso y e fallo final ta den estadio ainda.

E movimiento di protesta a ser encabezado pa director di Radio Bole di Parral, Juan Rogazy, bisando qu e pito aki tabata un excedente di e ultimo guerra mundial qu a sirbi pa adverti e bombardeon aerio, pero no a indica for di unda e artefacto a ser trese ni duna e tabata.



Actualmente ta na Londres, srta. Reina Patricia Hernandez, "Miss La Linda", kende ta representando Aruba den e eleccion pa "Miss Mundo". Aki Reina Hernandez (fila di mas abau y mas na rohez) ta aparece hunto cu e otro bellezanan for di tur parti di mundo.



Diamars atardi a yega Aruba e yatenan cu a participa den e torneo di pesca na Venezuela, na unda e piscadornan di Aruba a haci un masha bon papel. Na nan yegada tabatin hopi hende na e pier riba L.G. Smithboulevard pa duna nan pabien y bonbini.



Awe mainta e barcu Pearl River a ser di tow den haaf di Corsouw pa reparacion. E barcu aki tabata tini un candela chiquitu abordo y su motornan y varios otro equipo no tabata funciona mas. Aki nan lo e ser drecha den dok.

**WASHINGTON --UPI --** Dos norteamericano hoben, quendenan a ser detene 46 dia pasa pa autoridadnan sovietico, ta a punto di ser somete na juicio segun tata di un di nana informa.

C.M. Gilmor, quende durante di varios siman a realiza gestionnan pa medionan diplomatico norteamericano y sovietico pa

logra libertad di su jiu y un amigu, a manifesta; "Situacion a bira peor awor y mi tin miedo pa nan.


Craddock Mathew Gilmor y Buel Ray Wortham a ser detene na Leningrad na Oktober ultimo acusa di a horta un oso di brons den un hotel. E acusacion contra di nan ta basa qu

tur dos tabata sospechosonan di "otro actividadnan ilegal."

Ora cu departamentu di estado a informa e motibunan pa cual nan a nenga un libertad bao di fianza, e sovieticonan a manifesta qu e acusacionnan tabata inclui qu nan a viola e reglamento riba divisanan.



**Tabaco...  
FINO!  
Humada...  
PURO!**



**CASINO  
CHARCOAL FILTER**



**Un bril bon scohe ta sostené y completá Bo personalidad**



Na momento di haci Bo seleccion responsablemente, Bo ta ser yudá pa expertonan, mientras cu aparatonan di mas moderno ta garantisá un acabado rapido y corecto di Bo recept di bril.

**optica moderna**

**SPRITZER + FUHRMANN**

ARUBA

CURACAO

ST. MAARTEN

## Con lo para cu Jack Ruby

AUSTIN (Texas) --UPI -- Camara di apelacion criminal di Texas a rechaza un recurso pa anula su anterior sentencia qu a pone pena di morto contra Jack Ruby, pa motibu di a mata Lee Harvey Oswald.

E agente fiscal di Dallas, Henry Wade quende a dirigi e caso contra di Ruby a presenta e apelacion considerando qu e tribunal haltu a aplica e proceso di principionan qu tabata ser referi na juicionan completamente diferente.

Ruby tabata convicto na maart 1964 di asesinato di Oswald, asesino di presidente John F. Kennedy, y condena na pena di morto. Camara di apelacion a revoca e sentencia y a ordena qu e prisionero ser somete na proceso na un lugar na unda no ta e ciudad di e asesinato pues na na unda Oswald ta b'ha.

Den su presentacion Wade a sostene qu e alto tribunal ya caba a cambia tur cos door di pone e juicio tuma lugar na unda qu no ta Dallas" y qu esaki a "aplica mecanicamente e hechonan participa di e caso Ruby na cierto principionan general di derecho qu Corte Supremo di Estados Unidos ta aplica pa un conjuncion di hechonan y circunstancianan totalmente diferente."

Camara di apelacion a rechaza e peticion di Wade sin funda su decision.

E abogado di Ruby ta considera qu e segundo proceso na

cual nan cliente lo ser somete lo permiti nan recupera libertad p'e ya cu ta unicamente posibel na condenele pa simple asesinato y e pena lo tin hopi di hasi cu e tempu qu ya ela sinta den prison.

SANTO DOMINGO --UPI -- Polisanan a ocupa nan mes di cuarter ametrallador y 15 rifle, durante varios allanamientonan pa desarma poblacion civil, privando elementonan pa pose arma pa por cuminsa otro insurreccion.

Durante di e allanamientonan a detene un miembro di Partido Comunista Dominicano qu no a ser indentifica.

Autoridadnan, ademas, a ocupa nan mes di millares di proyectilnan y centenares di bukinan di propaganda comunista, cualsu distribucion ta prohibiden e pais.

# Een betere route naar Europa voor mensen die voor hun plezier op reis gaan.



Nu hebt U een schitterende gelegenheid om op Uw weg verschillende eilanden te bezoeken.

Met een PanAm biljet naar Europa kunt U St. Maarten, St. Thomas en St. Croix bezoeken zonder enige tariefsverhoging. En daarna kunt U nog een heel bekend eiland, verder noordelijk, bezichtigen: MANHATTAN.

Met slechts een PanAm biljet tot New York kunt U hetzelfde doen . . . en dan komen er nog maar 7 dollars bij Uw tarief.

Pan Am's splinternieuwe 727 Jets tussen St. Maarten, St. Thomas en St. Croix maken Uw "island-hopping" gemakkelijk.

Pan Am's 727 Jets vliegen non stop van St. Croix naar New York. En van daar vliegt Pan Am rechtstreeks door naar 27 steden in Europa . . . veel meer dan elke andere luchtvaartmaatschappij. Londen? Amsterdam? Parijs? Rome? Noemt U maar op.

Waarheen U met Pan Am ook gaat, U vliegt steeds met het prettige gevoel het beste te hebben gekozen: de maatschappij met de grootste luchtvaartervaring ter wereld.

Hoofdagente voor Pan American  
S.E.L. Maduro & Sons  
Aruba, Bonaire, Curaçao, St. Maarten.

### De maatschappij met de grootste luchtvaartervaring ter wereld.

De eerste in Latijns Amerika De eerste over de Atlantische  
De eerste over de Stille Oceaan De eerste "rond de wereld"



RIP KIRBY

pa cortesia di:

JAN BODEGOM & CO (ARUBA) N.V.

Agente exclusivo di FRIESCHE VLAGE lechi evaporado y lechi en polvo

MAXWEIJ L HOUSE KOFFIE



**BOTICA**

NACHTDIENSTEN; Oranjestad Botica Oduber Tel.: 1780 San Nicolas Botica San Lucas Tel.: 5119

**PELICULA**

De Veer: 8.30 p.m. "Thunderball" all  
Rialto: 8.00 p.m. "Viva Maria"  
Principal: 8.00 p.m. "Billy Liar" 18 j.  
Aurora: NO MOVIES  
Savaneta: 8.00 p.m. "El Cíclon de Jalisco" 14 j.

DICK TRACY

presenta pa cortesia di:

VICTORIA BOTTLING COMPANY

PEPCI-COLA--SEVEN UP--G RAPETTE-KIST--

VICTORIA SODA WATER--BUFF ALO ROCK--GINGER ALE



PEPITA



**EL REY DEL TRAGO.**  
Tñ un **SORPRESA**  
Pa su consumidornan  
**MIRA BAO DI E TAPA DI CADA BOTTER**  
**RON REY DE COPAS**  
Pa mas informacion:  
**Aruba Distilling Co.**

**Unidad naval frances a bai cercano oriente**

JERUSALEM-- UPI-- Unidadnan naval frances di Mediterraneo a dirigi nan mes awe pa Cercano Oriente mientras chokenan nobo entre Israeli y Arabenan tabata pone e situacion bira mas grave.

Funcionarianan frances a informa qu e bishita na Beirut di un crucero, tres fregata y un barreminas y di otro tres barcu di guerra, un submarino y un buquemadre di submarinonan di Haifa (Israel) no tabatin relacion cu e situacion explosiva. Segun nan ta trata aki di un mision di buena voluntad pa expresa e deseo di Francia pa e relacionnan amistoso cu tur nan keda na vigo.

Sin embargo, fuentenan informativo a nota qu e flota tabata e concentracion mas grandi di barcunan frances den e zona aki for di despues di e invasion di Suez na aña 1956, aunke qu nan a hasi bishitantenan individual na haafnan den diferente epocanan despues di e hecho ey.

Segun Radio Damasco, nan a adverti Israel qu un incursion di diadomingo na Jordania lo a provoca accionnan mas energica di e terroristanan arabe. Ela agrega

qu e arabenan lo atace basenan militar di interior di Israel qu nan a califica como "fuentenan di agresion israeli".  
--- Na Amman (Jordania), ministro di relacionnan exterior, Akram Zuaiter a entrevista cu e embajadornan dilanti e consejo di seguridad di Nacionnan Uni pa discuti e kehonan jordano contra di Israel, den un esfuerso pa sigura su apoyo.

**BOYCOT CONTRA ARGENTINA A DRENTA NA VIGOR**

LONDRES -- UPI -- E comision ehecutiva di e Federacion Internacional di obreronan di transporte a dicidi ayera noch pa boicotea tur avion y barcunan di Republica Argentina.

E comision tambe a pone e boicot pa cargamentunan qu ser desvia pa barcu of avionnan argen-

--- E hefe di e comision di armistico jordano-israeli a ricibi un informe riba e atake di diadomingo, segun radio Amman a informa.

--- Radio di Siria a ripiti, pa di tres dia consecutivo qu Rey Hussein a conspira cu Israel, den e atake di diadomingo pa impedi e operacion nan di e comandonan arabe.

--- Na Cairo, e hefe di e Organizacion di Liberacion Palestina Ahmed Shukeiry a pidi Rey Hussein pa lubida nan diferencia y join otro pa "contraaresta e agresion israeli y defende e pueblo di Jordania".

tino pe unidadnan di otro paisnan y cargamentonan qu ser pone bordo pa medio di "staakbrekers" na Argentina.

E resolucion, qu ta califica e Gobierno di Argentina "como ilegal, solitario y dictatorial", a ser aproba pa e voto unanime di e 24 miembronan di e comision, qu ta representa e principal sindicatonan di transporte di Estados Unidos, Europa, Asia y America Latina.

**Guardianan rojo ta dividi na dos**

TAIPEI--UPI-- Mayoria parti di e guardianan rojo qu ta realiza campaña di violencia na China Comunista a ser organiza y controla pa elementonan contrario na Mao Tse Tung, segun Liu Yue-Sheng a afirma. E experidista di China Comunista, tabatin e oportunidad di observa riba e terreno na Pekin e movimiento hubenil prome di deserta pa China Nacionalista siman pasa.

Liu, hefe di informacion di Wen-hel Pao--- un di e principal organonan comunista di Hong Kong --- a hasi e declaracionnan mientras qu e situacion di China Continental tabata ser discuti cu Ku Fung-Hsiang, secretario general di Partido Gobernannte Kuo mintang na Taiwan.

Ela recorda cu Mao, y supartidarianan tabata e promenan den organanza e Guardianan Rojo na july ultimo cu e proposito di usa e "hobennan ignorante" den lucha contra cresementu di e influencia anti-Mao, pero e elementonan opositor ne hefe di Partido, objetivo di e Guardianan Rojo, a cuminsa e tarea di inmediato pa combati Mao cu su propio armanan y organiza su propio Guardianan Rojo, usando nan pa caba

cu elementonan qu ta simpatiza cu Mao cu e pretexto di protega e hefe supremo.

Liu a agrega cu e Guardianan Rojo partidario di Mao tabata ser yama "Cincu Elementonan Corra" y e contrarionan "Cincu Elementonan Pretu".

Segun Liu, quende por a sa casi tur cos despues di un gira extenso door di e pais pa contactonan cu funcionarianan comunista, e "Cincu Elementonan Pretu" ta constitui e mayoria y nana domina e "Cincu Elementonan Corra" di Mao Tse Tung.

Ela agrega qu dentro di e movimiento di e Guardianan Rojo tin un lucha tenso qu lo por bin resulta den derrocamiento di Mao Tse Tung.